

國家圖書館藏

中華歷史人物別傳集

綫裝書局

萬里志序

夫志者識也識之俾可考也故志天之文知其高
志地之理知其廣遠山川郡邑莫不有志所以紀形
勝悉區宇辨道路也使民觀之審其險夷察其通塞
而有定向其慮深矣萬里志者龍山先生作也先生
東海翁叔子家世文獻蚤擅甲科與仲兄憲副後樂
公出入臺諫風節凜然辭命典禮允爲國重奉使交
南途涉萬里卽其間見寓諸吟咏以示經歷意有在

萬里志序

一

也故其入交之作以述臣事謁祠之作以述子情寄
懷之作以述弟誼贈和之作以述友道述於友者其
詞諒以直述于弟者其詞慤以婉述于子者其詞慕
以永述於臣者其詞敬以篤觀篤敬之詞使人興於
忠觀永慕之詞使人感於孝觀婉慤之詞使人向於
悌觀直諒之詞使人惇於信一展閱間而四義具則
其精誠流通霄壤使後之往者有所循繹裨於世教
多矣詩若干首志之原也文若干首志之附也列諸

賢題贊於前緝羣公贈什於後綴交人和言於末令

子季琰寔次第之將永諸梓癸酉秋莫過石城屬予
序余以通家感先生之善志重季琰之善繼僭引其

端庶覽者知所自云

賜進士出身南京尚寶司卿前中順大夫南京太常
寺少卿改江西按察司僉事奉敕提督學校上元石
城許穀撰

萬里志序

二

萬里志小引

萬里志者都諫龍山志使交往返道中所得諸作也
稿藏於家歲久散逸公子季琰拾自燼餘間搜訪其
別存者錄爲卷帙以遊金陵士大夫相與醪資壽之
梓許太常所爲叙首簡也志凡二卷餘多逸而不存
然卽其僅存者世已鳳毛麟角貴重之矣公爲東海
先生叔子詞翰濟美可稱義獻季璫嗣於文學能世
其家亦不愧王家小令吾松固多文獻家其傳世久
萬里志小引

三

逸園退老陸樹聲題

太子少保
禮部尚書

萬里志題詞

滁陽胡家宰栢泉

諱松

余佐瀾藩得東海翁草書日披賞公署偶過玉泉山
見張子季琰題壁知爲東海翁孫余憐其才而締交
一日張子持其先大夫龍山萬里志相眎其偉然風
節燦然詞藻具見高雅三世繼美余於張氏見之庚
申秋八月識

慈谿王司諫同齋

諱交

萬里志題詞

四

龍山公名垂諫院文章俱優讀其使交志具見節槩
行誼不惟世其德且世其學也先君宰華亭辱公愛
今余又與公公子季琰交其清篇雅度後先輝映真
東吳世美獨擅公家矣辛酉客武林出諸笥中讀數
過并志所感

同郡孫文簡毅齋

諱承恩

余同都諫公立朝居鄉者二十餘年雖宴會造次必
正論侃侃始終無一言及利竊景重之公先使交南

後十五載余亦濫充交使其氣節文章交人迄今企
頌今讀其志歷歷山川宛然在目朗詞曠抱真繼美
父兄不亞三蘓也敬題其首

武原王進士沂陽 諱文祿

隆慶庚午春張季琰顧余山中出先公萬里志校許
捧誦之餘萬里山川頃焉披覽且音調爾雅得大曆
中法足繩東海翁家學今季琰亦欲遍轍寰中又不
啻萬里梓有獨行稿淵源濟美文獻足徵余嘉其曠
萬里志題詞

五

抱美張氏之多賢也
四明袁進士廻泉 諱祖義

龍山公萬里志諸名家評之悉矣余更何言余聞公
之著作積千餘篇此特安南往返之一帙耳然其立
朝立身之大節繫大行誼具於此志見之雖弗獲覩
其全而舉一可知其九竊爲私淑之幸公東海先生
裔也公之令子季琰海內皆推爲文豪云又以見公
之有後也是爲識

武林張冢宰元洲 諱瀚

東吳固多文章家若東海翁父子隆望高風海內指
不多屈癸酉秋暮季琰子持其先都諫公萬里志過
司空署索序余讀其詩瞻其像想見其雄才豪氣遠
學雅音偉然一代名使公餘方擬構思忽膺北召趣
治行題其首還之茲編不獨張氏家珪是世所共傳
者也

吳門皇甫副憲百泉 諱沄

萬里志題詞

六

雲間季琰張子持其先大夫龍山手書萬里志二卷
示余以余先子中憲公與龍山同登進士蓋世講也
展卷締觀點畫精妙勢若飛動由其先大夫東海公
以字學著稱先朝過庭之餘自得戈法殆芝旭之璠
華而獻義之濟美也詩暢逸有真趣間合雅音大脩
山川風物玩之足爲心印况又手澤存焉張氏之遺
寶其翰府所共珍者哉

長洲皇甫僉憲理山 諱漢

余嘗見雲間東海公遺翰知其擬懷素筆法如所題
任城太白樓作乃其竄得意者因歎世之學懷素者
皆止得其糟粕而得其旨趣者惟東海一人而已書
亦未易言哉季琰張子持其先大夫龍山公使交志
相詆謂大夫東海之後猶義獻之相承微吟尺牘無
非傳家之珪况其萬里采風足脩大觀張子其善守
之者耶謂繼美者亦將於張氏見之耶因為識此

江左周文學幼海 諱天球

萬里志題詞

七

當代草書稱雲間張東海不下僧素顛旭余多見之
不誣也卽其叔子都諫龍山公筆力峻勁書法得自
家傳詩亦全本舊學人間所流播者雖少而鄉之士
大夫類能言之蓋無忝所生者也今子季琰克世家
學實有遺墨不啻尺璧可謂知孝矣庚申冬仲扁舟
過吳門示余此冊余重嘉之用識景私

萬里志自叙

萬里志所以紀志萬里之程者也予奉使安南國行
且萬三千餘里道出豐城吾同年永嘉朱君佐假今
茲已以樽俎餞別携素卷要予書所見聞逮過臨江
遂病不能行者數日至袁州已草草紀畢奈無可附
上者仍携之異域且還續以歸途所得雖不能脩萬
里大觀然終始往返亦畧繁具君佐素以文鳴其遠
抱傑才行且爲國當萬里城匪若予徒奔走紀志而
以歸之

萬里志自叙

人

九龍山史張時行識

序龍山先生萬里志後

東海先生一代偉人其文章翰墨重於海內二子起而繼之不獨能踐世科紹宦業而已而文翰之美亦克世家學此公之叔子都諫龍山公使交南往返紀志季子季瑛收拾於兵燹之後敗楮之中持以相駢清篇妙翰夫人皆知重之况其子孫哉雖然非其後人之賢則蛛絲煤尾之餘其不置爲篋中故紙者鮮矣此又以知公之有後也 嘗

萬里志

後序

嘉靖乙未九月既望前翰林院待詔將仕佐郎兼修國史長洲文徵明跋

附錄紀言

集後附錄一冊雖不足盡翁生不然立朝大節處家垂訓其經濟文章至今猶可想見梗槩云舊刻者三之二續葺者三之一乃舊刻不無舛錯省覽未便緩不敏敢謬爲倫次至爵祿之崇卑世數之近遠不能一一考究止隨所得編類附序六傳一記七碑文二題辭三十八祭文銘表六像贊十五詩四十七而已嗚呼歷世久遠

附錄

紀言

遺文散軼雖賴前人纂梓而藏板剝蝕漫滅無存綬雖廣爲蒐考亦止存什一於千百使後此不爲收藏焉知不又將爲蠹殘乎刻成尙擬請正 宗工惠貽琳瑯以光先集所望後世子孫留心蒐採永作家珍庶斯集之不朽也癸酉新秋七世孫世綬載拜書

萬里志述言

毅皇帝登極詔諭中外簡命先都諫公副魯殿撰
使交南國往返易寒暑耳目興感風物紀載積以
成帙題曰萬里志暨館中所著玉署拾遺東塾諫
草見意亭諸稿藏於家嘉靖戊子先君卽世不肖
幼冲超忽流序逾十五禩爲壬寅伯兄仲兄並業
成均相繼蚤逝再十禩甲寅東倭不臣數寇吳淞
烽火旬連倭船繞郊墊舉家徙跣入閩都五百年

萬里志

述言

二

門戶不崇朝蕩燬遺稿遂亡通天之罪抱負沒齒
寇退每從親友屏壁卷軸間題詠旋次搜拾漫無
全稿戊午仲侄德璫避亂蘓湖還筍中幸携先君
手勒萬里志一摺喜倍更生緝錄成編庚申春挾
之吳門武林諸名公偕相慶懃侈以題跋重以讐
校詎遭不造家業中落無能壽刻以贖終愆遂巡
又十禩爲隆慶己巳鴻臚叔兄亦棄去志塵篋底
涕泣徒殷衷益焰裂悲夫傷哉癸酉秋携諸兒試

金陵謁石城許太常翁持以相眎辱不鄙寵之雄

文序諸首瑞巖史給諫明河廖水部咸樂資梓用

告厥成嗚呼不肖曷幸哉抑先君九京之神默相

哉追維先君立朝致政垂三十餘年其宦歷節槩

具載朱恭靖公鄒東郭公志表其草書俊逸不減

大父聲價清白承傳所遺惟此著述又遭奇劫不

克自表見痛恨何極今藉諸名公僅存什一於千

百以不死先君是不幸中之幸也我張氏子孫其

萬里志

述言

三

世珍之以毋忘諸名公永承之德 皆

萬曆癸酉元歲長至日不肖季子其慙百拜謹識

萬里志述言

東海祖君集既壽梓又得從弟世南郵寄六世祖龍山翁萬里志一帙蓋翁出使安南紀行之什也積日紀程各體參互其間道里寥廓山川險易與夫懷柔服遠之義胥接恭順之誠雖短章畧紀梗槩可知昔太史公閱歷封內名山大川作爲文章奇肆瑰瑋令人莫可端倪况於吾祖捧檄殊疆卽所聞見播之謳吟陶情淑性直

萬里志

述言

四

可嗣徽三百豈僅倡子和汝者得髣髴其萬一哉獨可慨者翁於館閣則有玉署拾遺於垣省則有東塾諫草以至居常吟詠富有日新通觀諸名公題識知翁當日珥筆鳳池抗聲螭陛鴻文侃論焜耀千秋寧止世德之作求己也惜倭寇陸梁流離播越舉歸烏有猶幸尚存此編得以昭茲來許耳夫東海翁以立朝抗直一麾出守至今讀其著述怨誅不形惟存忠厚且經濟

文章動闕家國龍山翁御命異域使遠人向化

稽首來王至交人和什具附卷末其慕悅惻誠

想見一班翁之不辱君命何如也今令觀二祖

遺稿無非忠君愛國培養深厚以致始祖迄今

科名相繼纍纍不絕屈指宦遊者十五國都無

不遍歷此皆祖德貽謀未可忘其原本也癸酉

冬杪適弟世繩來遊洎水盛道海翁集成舉宗

慶幸不肖綬因復出龍山翁萬里志共補校讐

萬里志

述言

五

附梓南安集後如班氏文章繼彪者復有固庶

幾後先輝映俾奕世子孫知二祖高文亮節如

是如是於以振興先業不墜家聲則斯刻不無

小補云

康熙甲戌春仲六世孫世綬拜識於曲洧署

附諸公贈行詩

關西李夢陽 提學副使

安南陪臣騎馳突歌吹春喧瀝水窟蛟潭飛雨動霹
靂島城毒雲開日月黃門使者白澤袍南來氣與秋
天高當今天子古聖人諭爾歲事勤包茅永今炎海
無波濤

羅浮湛若水 禮部尚書

玉燭調皇極龍標耀日華雷行新正朔苞貢舊邦家

萬里志

贈言

南斗星輶外東溟畫鶴賒倚門闕捧檄先世憶乘槎
駐節蟠桃熟登堂彩服斜瑤池明白髮香篆裊青蛇
近比河源路虛疑蕙苾車風鳴銅柱表春苗嶺茅芽
屢結鯨波氣烏翻若木花尾閭觀海市月窟見天臺
翁仲閩人古狎何遠飾父一九封螳國羣動起蜂衙
安分枝中鳥巡天井底蛙羽儀首長肅文物島夷誇
海宇三年靜皇風萬國嘉天顏近臣問聖德委裘加

北海翟鑾 大學士

金函玉節出神京萬里西風擁旆旌聖主龍飛新雨
露諫垣名重舊文英雲和嶺表花爭放海澗天南浪
正平寂喜輶車便梓里慈闈八袞宴初成

葵丘王帝

龍飛九極際昌期簡命親承荷寵私天北詔頒新正
朔日南恩下舊藩籬金裝畫出辭青瑣寶帶朝橫拜
赤墀他日歸輶無恙苾苾定看助望重華夷

分宜嚴嵩 時爲庶吉士

萬里志

贈言

二

聖主馭圖朝北極侍臣頌朔下南荒仙槎夜識星河
迴使節秋分雨露香一代人文重摩鳳萬年王服遍
梯航輶車莫厭咨詢力細采民風入皂囊

餘姚謝丕

禹跡方行被八蠻交南拜舞聖恩寬短槎夜渡銀河
白長劍秋橫瘴嶺寒一鏡久歸周典籍百年重識漢
衣冠使星吳下連南極笑對梅花碧玉闌

練江謝忠

訶罷皇華遣使臣新裁宮錦卧金麟秋風南國馳萬里春酒北堂稱八旬化雨異方沾去遠極星中夜望來親衡陽正是經行路雁足平安可寄人

上饒李艾

刈織黃門久著聲又持使節海南濱身趨北闕還辭主路入東吳喜覲親萬里使星隨去旆九霄甘雨下荒瀕長纓不用終軍請信有威光服遠人

義興邵天和

萬里志

贈言

三

使臣銜命下鑾坡玉節南衝萬里波左袵忽沾新雨露交州還見舊山河靈槎夜靜看牛斗銅柱年深見薜蘿歸報定知無異說野人惟祝舜齡多

新喻傅元

暫違青瑣泛仙槎去去交南道路賒億載紀元頒正德一時專對重皇華遐方爭覩麒麟服綢載應無蕙苾車竣事過家瞻壽母過歸天上荷褒嘉

蠡吾馮蘭

清班司諫出皇都持節南夷萬里途疏重兩朝多補衮行同西域比平胡壯遊海外杭看蜃慶拜吳中燕膾鱸愛日有懷應暫駐采風高興逐長衢

寧德林文迪

使節煌煌下九天黃門清譽遠人傳龍飛新授王正月虎拜齊呼帝萬年蒼苴應無疑馬援葡萄端是陋張騫東還兼喜娛親壽賜帶圍金侍舞筵

東川安邦

萬里志

贈言

四

曉來御命下天衢八十慈親正倚闥霜節持歸芳菊候彩衣看歲早梅初南通碧海應舟渡北望彤雲覆帝居入國觀風問民俗試看吟卷滿回車

洞庭徐縉

乾德初升九五爻使臣頒朔到南交尚方瑞獸新裁服炎海人魚定入庖歲貢包茅仍錄續春歸行李亦寥梢還朝只借南遊錄土俗民風要一抄

永昌張志淳

安南古交州尺地皆漢有聖朝大無外挈土付之守
雕題氣或偏臣職恪已久海濱廓祇氣化育齊高厚
其王近頗驕効順陰或否正朔頒未周皇仁轡容後
乾坤崇包荒蜂蟻豈難誘擇君青瑣賢爲洗炎荒垢
名傳南極光世重東海叟鳳毛襲人豪龍節付天口
洪鍾浩難窮寸筵隨所扣煩君一語之恩寵固自取
綸音煥駢錫禮戒嚴登受聲華仰伏波反側戒蠻頗
忠誠果無二族類斯可料休論橐中直且進樹頭酒

萬里志

贈言

五

松鱸烹縮項游鷁稱回首試調竹笋羹永爲萱庭壽
鄉評詫遭逢畫繡動奔走長鄉巴蜀文買臣會稽綬
千年邁前烈爲托班馬手

臨海蔡潮

鳳皇銜詔下龍婢四海聞風向化時寵命特教陪上
介先聲久已被南夷霜凝仙仗遙持節月滿星槎幾
詠詩歸到雲間登壽域錦衣明畫慰親慈

太原喬宇
吏部尚書

大書晨出大明宮地盡交南使節通萬里乾坤新正
朔千年玉帛舊華風江湖歲晚波濤靜海嶠雲高瘴
癘空便道鄉山還獻壽北堂蘭玉繞芳叢

餘姚謝遷
大學士

萬里風雲去路賒私恩公義兩無加服勤王事先將
母奉使遐方且拜嘉自昔交人尊正朔只今帝德協
重華寶賢自足光中國海外明珠祇用誇

盱江張昇
禮部尚書

萬里志

贈言

六

捧節南行正小春先聲應已動交人使轡夜仰雙星
應命服朝頒一品新天隔龍荒通漢節地開鳥道貢
蠻珍離題若問張東海轉覺名家有鳳麟

南海梁儲
禮部侍郎

路入安南第一關盤輿隨處若登山南人莫倚關山
險謝得皇恩庇百蠻
不載安南一物還好持完節見天顏天顏有喜君知
否正在皇恩遠被間

東廣張泰 次前韻

來看安南巨竹關壯遊先過石門山生平精力知多少直可乘輶過八蠻

來歲秋波迂子還舉孟論舊定開顏皇華集裏三千首都在微吟朗誦間

長洲吳一鵬 大學士

帝遣黃門使日南清才雅望稱華簪曆頒正朔蒼龍紀詔下明堂彩鳳銜一統乾坤聲教遠九天雨露聖

萬里志

贈言

七

恩覃懸知玉帛來王處萬里梯航表一函

河東韓文 戶部尚書

獻納頻看爲國謀皇華又泛海南舟二王家學名何重一品宮袍寵更優路轉珠崖天作近雲開銅柱瘴初收榮行且賀張司諫萬里風雲第一流

弋陽汪偉 禮部侍郎

使星中夜照南交瑞節輝輝映賜袍飛蓋曉衝蠻瘴薄前旌秋拂海雲高殊方歲月傳新朔上國衣冠選

禁曹不遣慈顏懷遠道過家休賦北山勞

叔天駿 禮部尚書

詔使南行秉節旄阿咸才氣壯秋濤交人環聽絲綸美海嶠齊瞻斗嶽高宇宙萬年新日月君臣一體舊蕭曹清風應滿歸來路世世慚憐聖澤叨

同邑顧清 翰林學士題

舊竹以贈

男兒萬里尋常事仗節臨風氣偉然折取瀟湘數竿

玉富良江上掃炎煙

萬里志

贈言

八

姚江史琳 都御史

使節煌煌出帝京星光先向海天明此君勁節凌霄漢無限清風浹遠氓

堂邑穆孔暉 翰林學士

聖皇御宸極遐國悉來王元年新寶曆渙號徹八荒使臣銜命出輪選重才良諫垣名業者問學復優長東海家聲舊聞禮繼前芳疇昔初筮仕聲價振玉堂簡命司文校春闈蒸鑑光斯行自天遣冠冕下南疆

受節辭丹闕賜服耀牙橋渡江經故里高堂壽玉觴
舞彩辭邨下一別道路忙巨艦出炎海恩寵愈輝揚
神采驚南國抗禮陋君王萬里山川靜百蠻草木香
回首春風暮萬景入詩囊

四明張邦奇 禮部尚書

昭代車書萬國同退宣聖詔羨時雄騰僦外服車聲
下羅拜南夷旆影中路入雲間仍戲綵馬回天末任
觀風應知衮職需君補爲採民情達帝衷

萬里志

贈言

九

同郡陸漢 禮部侍郎

文采中朝第一流皇皇使節照交州榕花椰葉連邊
道瘴雨蠻煙暗驛樓明主每勞柔遠計丈夫須及大
觀游南還何物煩行李名水名山滿篋收

石首趙中道

宮袍一品羨王臣萬里傳恩到遠人天詔煌煌臨碧
海使星耿耿映秋旻景當佳處吟囊富酒酌高堂彩
服新靡監且酬將母願丈夫應不負君親

姑蘓顧璘 工部尚書

臨風把酒賦皇華天上星移使者槎路到安南千萬
里袖携甘雨洗天涯

淮南高滂

日捧天書寺赤墀忽看將命到南維郵程漸覺聞蠻
語島嶼爭教覩漢儀馬首披圖還問俗龍編對景更
題詩右軍聲價從來重再使殊方識獻之

四明張龍 工部尚書

萬里志

贈言

十

暫辭青瑣向遐方帆滿秋風萬里航南國陪臣趨使
節北堂慈母佩恩光遺柑早劈供春酒賜服新裁勝
綵裳忠孝從來男子志且輸白面赤虹郎

姚江倪宗正

聖主新恩敷八極侍臣銜命遂霄征南夷草木重沾
化東海文章更有聲一劔橫空星象動雙旌拂雨嶂
嵐清過門還拜護堂壽戲綵翩翩獸錦明

蔚羅李從正

聖化登臨新治化紫泥垂詔下殊方天朝不斬經綸
使小國應增殿陛先萬里莫辭程未旣一時當信命
非常章紆極品升堂日爭看宮袍引壽觴

同郡趙松少卿

日轂巍巍開帝座天書冉冉動蠻林花明丹闕傳雙
錦草媚春暉獲寸心赤縣旌旄南斗近繡衣光景北
堂濺未須重譯通周貢早報垂輶聽禹箴

山西喬燁尚書

萬里志

贈言

士

奉命南行道故鄉使星光彩煥文章緋袍紅日金門
客玉貌春風紫府郎先代衣冠忻接踵明時科第喜
聯芳懸知覲省高堂便里巷山川賸有光

附交人和韻詩

安南大頭目黎瑒瑩甫

瑒奉送天使到安博驛蒙惠以詩不勝金玉因

圭步奉餞

自笑龐豪氣未除喜陪星旆過山墟使君素有四方

志賤子多慚一室居客舍此時蒙吐玉洛京他日憶
行車長江料得飛煌渡水面溶溶魚鰲子

又奉和天使雨途之作

潦倒殘年六十零遠蒙惠顧眼終青一時丁卒雖勞
勩萬古封疆賴謐寧體悉固能安衆志公清應可服
山靈歸囊況有多佳句奚數王生詠鶴汀

安南頭目裴昌澤茂盛

丁卯春正昌澤從天使安博驛見贈

萬里志

贈言

士

暖入郊原瘴霧除使星兩兩曜炎墟九天慶澤隨春
布五色祥雲恍帝居清節每欽無玷玉私情難挽薄
旋車道同豈限江南北蒙贈瓊瑰數倡子

又奉和天使雨途之作因以奉餞

駟原迢遞雨花零相送頻蒙惠顧青且喜皇仁胥廣
被休論王事未遑寧多情歸興隨風急無限詩神得
酒靈竅是相思相憶處溶溶江月芷蘭汀

安南頭目黎棖端平

奉陪天使辱惠佳章不勝忻羨因步韻以伸儀

意

長日通明侍玉除星輶直向斗南墟乾坤同是陽春
煦井牧均安田里居清節映人融曉雪和風送客逐
飛車相隨句浹蒙青顧再詠歐家陳趙子

安南頭目尹宏滋葆冲

燈夕之後天使以瓊章示因於戲處奉和焉

東風送暖入階除曉駕星輶度碧墟鸞驚欣瞻千里

萬里志

贈言

十三

遠鷁鵲自笑一巢居每懷旅館難投轄偏喜今朝得
御車圭誦璫章珠在側語云形穢豈欺予

又奉和天使雨途之作

霖霖方春喜既零向陽草木一般青載途道路雖云
苦服役兵夫敢自寧體悉諒由君子志感通自是此
心靈無端塞外明朝別日送仙槎過遠汀

像贊

三山林泉山

名海宮傳南
京兵部尚書

奏賦九重奎壁羅空何辭之工也武部雍容偉積豐
功何才之克也仰止清風海內攸同何達之隆也噫
斯蓋一代之人龍將宏乃德業以匡休養貴諸公匪
但衡步於瓊林多士之中也

瓊山丘浚菴

名海宮傳
大學士

視雖短而見則長容若情而氣則揚藏精神于內而
附錄

像贊

外不露收華采于外而內斯光海內詩名世共推乎
鉅李與中草聖今再見於顛張混俗以居初不通而
不介師心自用亦非狷而非狂斯人也豈詩所謂不
較不求何用不臧者乎

長泓李西涯

名東陽安師
兼大學士

俯首疑顧其神在內發為文章不采而繪外接物化
中含道腴諷刺諧謔皆君之餘奉上不諂寧我為簡
合交不污寧我為疏君子觀士慎其所趣有弗君如

匪華則諛君貌五圖茲惟其似贊者數人復得其幾
君笑不言掀髯而已

長洲吳鵠

名寬禮部尚書
兼翰林學士

霜髯斑斑而貌則澤其傲世也常如青松之倚石霧
目濛濛而心則瞭其鑒物也又若秋水之在沼豪氣
比陳元龍而翦翦者無所容高論擬孔文舉而碌碌
者不足數其人品如此則其學識政事之出于流俗
可知也已然則世方謂其草聖爲東吳之精豈能窺

附錄

像贊

二

其戶庭詩律敵西江之派遠以拾其稊稂况所謂樂
燕遊善戲謔又愈失其大畧此乃棄涓滴之語而徒
見笑于東海若者也

新安程篁墩

名敏政禮部
侍郎兼學士

身不滿七尺而標榜一時視不及尋丈而傲睨千古
四十而策名甲科五十而爲郎駕部雅懷絕乎塵鞅
任從流俗之譏直道類乎徑情不懼長官之忤蓋起
家不汲汲于功名故處世不怙怙于城府觀其外亦

自見其有爲要其中不可謂之無主或盛稱其豪吟
格致足以號召詩壇顛筆風神足以縱橫書圖是固
將以詞翰揜其爲人殆非所以論吾汝弼甫也

會稽葉雪崖

名寬右副
都御史

宏敞遠識不獨謂其工于書偉言正論不特見其淡
于儒風度粹如神觀裕如鄭百氏之芳馥漱六經之
膏腴周器于用不涉乎拘學利于行不近乎迂從容
道義之府翱翔冠蓋之區所以下惠澤于民物馳聲

附錄

像贊

三

華于天衢者耶

婁江張滄洲

名泰翰林
院修撰

中則明而短其視表不長而廣其志不甫瘦而吟得
甫情不旭飲而筆有旭意坐中傾倒者爲笑爲談海
內流傳者爲詩爲字簡編故業不廢乎官曹晚慕壯
心益勤于王事然則此牙牌而帶者其駕部之清吏
乎要其中樸茂而雅者真東海之居士也

莆田林孟和

顏昌若仰背盈若俯長髯飄飄伊誰如此嗚呼此吾同年東海夫子弗知者聾弗識者瞽卒亦弗盡其中醞藉今古

吁江左時翼 吏部郎中

制行高潔襟度冲融湛金莖之秋露灑玉署之春風陰晴變態其詞之雄龍蛇交走其書之工貌先年老憂非爲己心與理涵樂在其中遶寓天趣之軒神遊雲海之東蓋將鞭鯨鰲吞沆瀣而歷覽無窮者也

附錄 像贊

辰陽李 轍

人皆役於名公獨務其實人皆尙其巧公獨抱其拙故不言若默能爲天下式不見若黑能知天下白周情孔思其真趣而甫吟旭草乃其一觀茲貌者自公輔以至庶人莫不知爲張汝弼

崑山陸 欽 會魁

于思于思不見其願有觀其文茲其著哉平山之堂不見其詳藉輩玩世天嗇其明朝於王所有鐙其佩

言而存數馬以對委蛇委蛇蓋惟其外有問其中余曰如水

番陽童 軒 太常少卿

其神之閒也匪凝而粹其貌之恭也不拘以肆其學之博也則醞藉乎六經其文之賅也則踔厲乎百代由懷牒以取科第之榮自郎署而陟大夫之位人皆慕其草諫之工獨步於一時而不知其隱然有公輔之才而有樂先憂之志者殆可與杜工部之流爲

附錄 像贊

之昆季也

黃巖謝 鐸 再見

拱而立若有所尊翼而趨若無與羣正爾笏垂爾紳儼乎若不可得而親噫是蓋彷彿乎丹青之真抑孰知其放情乎翰墨玩志乎詩文若是者猶不足以盡之吾固將從陸子而益究其中之所有

新喻傅 瀚 翰林院檢討

顏若蒼而不失於豐服若華而不昞於衷心若舒而